

## Дунёдаги энг гўзал музей



15:00 / 04.08.2021 1591

National Geographic журнали Дубайда жойлашган «Келажак музейи» ни дунёнинг энг гўзал 14 музейидан бири ва уни архитектура мўъжизаси деб атади. Ҳозирда музей очилишга тайёргарлик кўрмоқда.

Ҳомийлар кенгаши раиси ўринбосари ва Дубай келажаги фонди бошқарувчи директори Мухаммад Ал Гергавининг таъкидлашича, музей ўзига хос дизайн ва энг сўнги технологиялардан фойдалангани туфайли БАА ҳамда бутун дунё учун келажак эшиги бўлади.

Етти қаватли бино 30 минг квадрат метр майдонни эгаллайди. Баландлиги 77 метр, фасад майдони 17 минг кв метрга етади. Амирлик рассом Маттар бин Лаҳеж томонидан араб хаттотлиги билан безатилган. Фасадда вице президент, БАА бош вазири ва Дубай ҳукмдори, шайх Мухаммад бин Рашид Ал Мактумнинг қуидаги сўзлари келтирилган: «Биз юз йиллар яшамаслигимиз мумкин. Лекин биз кетганимиздан кейин бизнинг бадиий меросимиз асрлар давомида сақланиб қолади».

Фасад 1024 та пластинадан иборат бўлиб, бир ярим йил давомида ийғилган. Ҳар бир панел алоҳида ўрнатилади. Ушбу бино муҳандис Шон Кеила томонидан лойиҳалаштирилган.

Музей экспозицияси бизнинг давримиз таҳдидлари ва имкониятлари ҳамда келажак технологиясини ўрганишга бағишиланади. Ичкарида капсулали

лифтлар, сезувчи деворлар ва юрувчи ёрдамчи роботлар бор. Дубай Футуре Фондациян томонидан яратилган музей сунъий интеллект ва инновациялар соҳасида янги ечимларни ишлаб чиқмоқда.

Emirates News Agency ахборот агентлигининг хабар беришича, асосий эътибор иқлим ўзгариши учта асосий муаммога қаратилади: тоза сувдан фойдаланиш, озиқ-овқат хавфсизлиги ва шаҳар қурилиши модернизацияси. Бу муаммоларни ҳал қилиш бутун инсоният ҳаётини яхшилайди ва жаҳон иқтисодиётини мустаҳкамлайди.

**Хуршид Маъруф**